

大清光緒十三年

本館新聞除禮拜外日出一
紙諸君賜閱本報者無論
本埠外埠均可函致本館取
閱如外埠閱報照加寄費可
也除日報照常刊送外復不
惜工本從英國採辦釘書裁
紙各機器以待與各官商
刊印書籍單件並有英國各
種活字及各式花邊等延有
西人操印工藝甚精所有中
西文字均能刊印並有石板
印字大小機器均用精工刷

第一千七百六十三號

申報

本館開設源順街第廿五號

印工緻絕倫前延有文士書
寫各體文字現由上海購到
各種書籍出售其書目另行
刊佈所有各項價甚相宜再
本館所登來札原擇其有關
世道人心者附登否亦須無
礙於人而後始錄其有謬屬
成文以及支離費解者概不
登報嗣後諸翁來札尚祈
自諒更須寫真爵里而後敢
登但來稿登與不登均不能
將原稿收回也 本館謹白

丁亥八月十八日

凡領報者每月一元每日每張五仙(大英一千八百八十七年十月四號禮拜二)凡印告白第一日每一字一仙第二日以下每字半仙

本館佈啟 ○啟者本館所刊來札須要書明姓字而後敢登業已列明報首上乃 諸台近日
所寄到來函囑登本報多有諱其名姓彼詩文等類以筆墨為消遣者猶有可原乃有涉及時事者亦自諱
其名似此照例實不敢為之登報茲特再為詳告嗣後 諸君有來札囑登本報者務宜明示姓名始以
之列報或有不欲沽名特為諱去者當可另用外號以登報紙而所投本館之信亦須寫明名姓似此方合
體裁若但用外號是為匿名實有礙難登報也茲特佈告 閱者諒焉 本館謹啟

論祀神之說持齋不如存誠

先王以神道設教蓋以禍福之說動人為善去惡之心補王化之所未周政刑之所難革也故其雖虛渺
難考而不敢厚非苟能誠以將之則感格之靈似可通於冥漠者書曰樂望祀于山川詩曰不可度不可射
孟子曰可以祀上帝可知神道原非謬妄即明理之君子猶不敢視為虛無則敬而祀之原亦實於神明之
一助格誠錄載伏義死為抒牧其神主於颯祀是沒則為神之始稱也是時民風渾穆未必工於附會而欺
厥後人即事仍無稽不可據以為實然自古昔以迄今日數千餘年其間大聖大賢英雄奸惡不知凡幾乃
廟宇有加無己未聞有鄙為杜撰從而廢之者倘執一己之見謂神道必無創為汚蔑之言自伸其說違眾
獨立詭譎然謂為見理獨明則愚人之私殊屬可笑豈古人之智反出其下哉歷來相尚而自以為一概虛
浮不亦妄歟善夫楊時之言曰信則有不信則無不激不隨的是賢人口吻然而今日之信以為有者比比
皆然矣而其所以祀之法則未得其道則雖中心篤信其何益耶蓋今人之所謂祀神者不過奉以酒醴
潔以犧牲薦以俎豆而已傳稱黍稷非馨明德為馨又曰惟德是輔試問祀神者其果可自信為有德而為
神所默鑒呵護深之乎哉心有積惡所為所作人且不能直之而況於聰明正直之神謂其能以祀事孔明
即為之略其迹而相佑揆諸情理斷斷無之然而斯言也人人皆知故欲祀神必先悔過而其悔過之念則
無自而明乃託為持齋薰沐潔淨舉凡馨香之味一概不嘗彼以為茹素則心神自寧可冀感格獨不思古
人之所以齋戒者非僅不染葷之謂也必去其心之私存夫天理恐為外物所擾坐於幽室之內以免擾其
淡定之天朱子云齋之為言齊也所以齊其心之不正也今之持齋者其果能心出於正而無一毫私慾擾
於內念者乎其果能別居一室以滌塵慮者乎其果能深於悔禍自怨自艾可表於帝天者乎諒必故事奉
行見古者有齋戒之說則以斷葷食素之事了之而已矧矧於家人婦孺之間嬉笑於朋友縱談之下穢語
美色口得而道目得而觀其一種汚穢之私皆不力為杜絕獨於口味則託為清心萬慮紛然豈數日持齋
即可洗却轉機之捷一何其神且於默禱之時喃喃私語明以見不可告人之事而神竟可覆而聽之又恐
邀福之心未必遽能償願則必謂如能恩賜當以酒食相酬一似神貪其厚賂之私然後從而獻者其喪
瀆之處獲罪殊深神如有知必予以重譴而世人察往往犯此弊何愚乃爾哉故神不可不事而不可妄
事苟能出以誠意不及於邪則雖拜跪猶人而一種篤恭之情形露於若隱若現不必品物豐潔而如其其
上恍然降臨平生為惡之心至此戢然自斂此所謂惡人可以祀之也若惟是儀物告潔而滿心妄想求神
維持則非明虔直是求助神與汝有何關繫而汝為望援歟遠人之言曰苟能為父而慈為子而孝處兄弟
而友于不愧交朋儕而忠信能孚則雖不入廟焚香神亦默佑所謂吉人天相也若一生行惡無所不為則
雖建廟奉神之不忌神必不輔且從而責之所謂行惡則被殛也神之輔與不輔視其人之善惡以為之
衡富不在於虛文拜禱之間而施其禍福然而禮則從宜肆則從俗謂為神不可信則不敢創為驚人之談
亦惟正一己之私而已詎必食齋即能見媚於堂堂正正之神明耶

德事電報

○十五日英京發來電報云法員實那奧尼之事因揭貼事為德員所獲一事現已奉
到德皇諭旨即將該囚釋放云然則豈其人果無罪耶抑德廷不欲結怨於法而釋之耶又抑德廷大度
任福置其事於不較耶

法國郵船抵叻

○刻接前途遞來電耗言法國本期郵船定於本日由高浪霧抵叻上落客貨畢
旋即展輪往西貢香港上海等處茲特列報以便耐貨搭船者知所預備焉

俄國勢必藉端而起與英為難故海那勿現在之王已購於英願報效銀元四百萬盾以備在邊疆設備用防不測云
風電續傳 ○十四日香港發來電謂昨報颶風一事現其風已過流順海由七洲洋之南而去以與西方向測之則越南一帶其
不免於風歟

查訪戰船 ○前報英國於邑士戰船於前月廿三日奉命由叻駛赴香江至今未到等情現聞國家於此事頗覺憂懼已委駐守叻海
荷里因戰船把總羅君乘坐何士麥官輪駛出口外沿途巡察矣
檳城要信 ○昨接檳城來信言初八日檳城諸華商已再發電音往英京實得力會理事人處求將叻中所議葬地新建暫且緩
行待接叻嶼甲商華商陳情表又再為酌奪等因嗣諸華商接奉回電稱來電所言之事業已據情申奏英廷業蒙允將此事暫緩行以俟
諸君表新矣

越南烟碼 ○刻接越南遞來信息言東京鴉片餉碼現已投定承餉者為法人馬多福係與香港華商合本承充計集股本銀一百五
十萬扶令以為開辦統計承充之期以五年為率由西一千八百八十八年正月一號起至一千八百九十二年十二月三十一號止其烟公司
係設於河內海防二處云

門事錄聞 ○刻聞本坡有黃郭兩姓之人械鬥甚狂查此兩姓皆閩人且同為烟草營生同業同鄉誼本甚殷而械鬥之由係因相爭
生運而起但此中是非曲直之由固無從得而知之但聞黃郭皆同會之人乃此次械鬥各借同宗之力不念同會之親連日在打石街附近購
記山前各率多人同相械鬥兩造皆已報案出票拘捕數人但其鬥至今仍未了息正不知如何結局也

水乳權衡 ○水乳交融一語言乳之與水性質皆同彼此相投自能固結然不知乳之與水雖同性質而有所使難則食之者不惟無
益而且不無所損故西例有申禁之明矣也吉靈人某甲以牧牛沽乳為生畜有子母牛每日取其乳沽賣與人以供飲餵小坡中街有葡人某
與取乳以供其幼子飲食習以為常乃近來甲每以水攪於乳中沽於某家某初猶不知詎子飲其乳後即漸覺體日瘦而色日黃且患腹痛脾
泄之患因疑其乳質不佳乃持往醫士處驗之果有使水之弊乃於十二日執甲而控之於案十三日經有司堂訊乃判罰銀廿五元并須覓有
保人署立保券二百元保其六閱月不再犯此弊實云


長途暴病 ○邇來又覺酷熱異常時疫復熾有閩人洪某于前日驅牛車一輛道經竹脚地方時天氣甚炎日方停午洗坐車中陡覺
遍身痛不可耐即從車中仆下遂已昏不知人幸時道路來往人多見此情形相與集救并有人代控其車不使他去救治良久始漸復甦乃聞
其住址姓名即以其車載之命人代馭而歸云

友道有盜 ○粵人林某旅處本坡向以小販為生寓居小坡新興街既儉且勤積寸累錄已蓄有一百五十餘元而林平日過於謹慎
恐其銀置衣箱為人所竊乃將其銀以布捲而懷之頃刻不能相離近擬言返鄉園欲於日圓即附航返粵有友人賴某與林素稱知交近以林
欲言旋乃置酒于林處與林對酌以為祖饒林以故人情重乃痛飲無辭須臾即覺玉山已頹不勝酒力賴乃殷勤與其卸衣解履扶歸臥處乃
覺其腰間甚為沉重攪之則皆銀也賴至是頓起盜心即以刀破其裏將所有銀元盡竊之而行至翌日林醒以銀元盡失念昨無他人惟己與
賴對飲是必賴之所為無疑乃即向賴處尋覓執賴訊之賴知難以瞞隱因曰昨吾見君腰纏已破銀元從而漏出恐君醉後遺失故與君代為
收存耳林曰然則銀何在求即交還賴不得已乃檢出還林林雖明知為賴竊惟念同袍之誼不欲執捕以結怨于故人乃取其銀去即附航
回粵矣

本利兩失 ○潮人陳某住居甘公巷古魯地方性情放蕩好逸惡勞不學陶朱之事業而作梁冀之意錢日與賭友淫朋交相徵逐一
似除賭別無所圖也者近因本坡禁賭之令森嚴無從施其伎倆故與同籍人梁某合夥往柔佛開賭館意謂選地為良免至在被暗設私局
恐罹法網時常一夕三驚也而柔佛之地則明場賭碼日夜聚賭得以暢所欲為乃約定彼此合本二百元共成洋峽四百元因有事須要在本
坡勾留不能與梁同往乃囑梁先發所有寬舖置物各事宜均囑梁便宜行事梁遂擄四百之資于初十早先往遠到柔佛後見機林立金錢
鼻鼻不覺見獵心喜賭興忽生居然入局幸值錢神大降有賭皆贏一日間三戰三捷統共獲彩七百餘元但梁係過來中人驗知長賭之弊遂
心滿意足不復過問矣後陳在叻事畢即附輪至柔佛知梁大獲勝仗欲與瓜分梁不肯謂我之所以與君合本者係為開賭計非貴儲計也今
我因各事未備君亦未到故將自己之本往博輪贏亦一身任之幸而獲勝是我之福不幸而敗是我之禍于君何預焉胡貪之乃爾欲來分利
也設我全軍皆覆連君之二百金輸去試問肯甘願否總之相好有素不必多講三三金余不吝也陳見如此心有不忿遂糾集多人意為威
脅梁見勢不佳乃偽為愿分利四百並本二百負荆送回之語為延緩計遂挈資而逃陳不知其偽以為六百金可以立至矣後見毫無動靜往
探之則桃花依舊人面全非已不知去向矣惟有徒呼荷荷自怨失察而已噫見財思義者世難其人况責之子淫朋賭友乎因貪利而亡本吾
不禁為陳某一笑


本利兩失 ○潮人陳某住居甘公巷古魯地方性情放蕩好逸惡勞不學陶朱之事業而作梁冀之意錢日與賭友淫朋交相徵逐一
似除賭別無所圖也者近因本坡禁賭之令森嚴無從施其伎倆故與同籍人梁某合夥往柔佛開賭館意謂選地為良免至在被暗設私局
恐罹法網時常一夕三驚也而柔佛之地則明場賭碼日夜聚賭得以暢所欲為乃約定彼此合本二百元共成洋峽四百元因有事須要在本
坡勾留不能與梁同往乃囑梁先發所有寬舖置物各事宜均囑梁便宜行事梁遂擄四百之資于初十早先往遠到柔佛後見機林立金錢
鼻鼻不覺見獵心喜賭興忽生居然入局幸值錢神大降有賭皆贏一日間三戰三捷統共獲彩七百餘元但梁係過來中人驗知長賭之弊遂
心滿意足不復過問矣後陳在叻事畢即附輪至柔佛知梁大獲勝仗欲與瓜分梁不肯謂我之所以與君合本者係為開賭計非貴儲計也今
我因各事未備君亦未到故將自己之本往博輪贏亦一身任之幸而獲勝是我之福不幸而敗是我之禍于君何預焉胡貪之乃爾欲來分利
也設我全軍皆覆連君之二百金輸去試問肯甘願否總之相好有素不必多講三三金余不吝也陳見如此心有不忿遂糾集多人意為威
脅梁見勢不佳乃偽為愿分利四百並本二百負荆送回之語為延緩計遂挈資而逃陳不知其偽以為六百金可以立至矣後見毫無動靜往
探之則桃花依舊人面全非已不知去向矣惟有徒呼荷荷自怨失察而已噫見財思義者世難其人况責之子淫朋賭友乎因貪利而亡本吾
不禁為陳某一笑

啟者本公司製造開辦新嘉坡南落亞逸尾地方交易多年專造一切靈巧機器火油火鋸做大薯粒之器具及大小輪船汽機鍋爐前各種新式鋼鐵器皿一應俱全無不堅固耐久諸便合用諸君大甲地方本公司開設有分廠前



代中西士商修補各種損壞機器工價格外公道如有 賢客賜顧者請至本廠訂議特此佈聞 西一千八百八十一年十二月廿六號 廠東安公司啟

侯活亞士堅公司告白




啟者本公司向來開辦本坡久為中西 商翁所賞識茲承英法未公司之命託本公司為該公司駐叻代售機器之人本公司既受所託不得不代為力肩鉅任將該公司辦事之誠製造之美以及貨物之多盡舉以告海內 諸商翁知悉緣該公司向來開辦英京歷久無異素為英國人所賞識不特為英國人所賞識又為鄰國人所賞不特為鄰國人所賞識且為天下各國人所賞識蓋因該公司立心持平交遊盡善物料既美製作極精所以能避美譽於本國鄰國及天下各國者皆為此也現計該公司所製造之機器甚多筆墨難以盡述更僕不可備數非親至該公司目擊斷不能備詳所見茲不過略舉其大概言之亦存什一於千百中之意耳至該公司退還本公司存貯代售其中件數堆積如山即不可枚舉茲因篇幅太狹不能盡錄以備 諸商翁覽焉擇其要而通行者略登報端以為 諸君採擇焉如水厚水筒皮帶等其價較別家稍為相宜而貨亦頗多家為特妙請 諸君移玉到本公司一觀真有所聞未盡所見之概不啻遊山陰道中令人接應不暇矣至本公司又有製造做大薯之機器以及水厚等各機器亦是名目太多不能備列謹此奉告尚祈實然賜顧為慰 再本廠現遷至工籌局貨倉左鄰 諸君光臨請移玉趾是荷

大英一千八百八十七年三月一號

侯活亞士堅公司謹啟

蜜酒出



啟者本行由歐洲辦到上等密酒來叻發售其酒甚佳茲將標頭印出 諸君光顧祈為細認免致有誤倘有無恥之徒假冒本行銀匙標者本行定必嚴為控究再此酒不能販往 加勝吧 三寶壟 泗里末 望加錫 檳榔嶼 日裡等處其他各埠均能運往並此佈聞

一千八百八十六年十一月十日

明嗎也洋行謹啟



中外眾國有限保險公司

啟者本公司總局設在香港多年備有資本銀二百萬元已先收股份人來銀五十萬元及餘存銀六十萬元在 諸君本行代理承保各商貨物船隻運輪船來往各埠其保費相用照例所有花紅之銀俟結賬之後按股分派前一千八百七十八年一千八百八十年每股得利息銀廿五八仙又一千八百八十年至一千八百八十二年每股得利息銀廿一八仙諸君商議者請至本行詢問可也 大清光緒九年 月 日 英一千八百八十三年八月廿七號 毛質德公司謹啟

啟者現本新由上海新到石印各書甚多約計百餘種茲以廉價發售諸君欲採辦者請到本館選購是荷至其書目太繁不能一一列明諸君如有欲採辦者請到本館面議可也

本館告白
 啟者本館自開設以來承蒙各外埠 諸君子不棄時有所投或一紙書傳奇異來告或半寸緘至報籍分屬出納 諸君子之雅愛亦本館主之所樂聞也但是交到魚書多有未經貼用舊信館之印單者請查信館定章凡郵寄之函件若未先買印單貼於 信到之日則照舊寄費雙倍以故本館於此一項時熱日多故不能不據情佈聞敢求茲後凡有惠寄本館之信務祈買單貼於此以 印帖之單信則本館一概不收不務希勿以方命見責是幸預為佈告即請 文安不宣
 本館告白



No. 1234.

英國新出頂上花露水出售
 啟者本公司所製之花露水及高浪水最為佳製其香之清而且久非尋常 可及素已馳譽歐洲用此水者莫不噴噴稱爲妙品歷經荷領寶星七次以獎其佳然則其妙處可知矣 爲通流故特佈告倘 諸君有欲採辦者祈請函致本公司取討價單便知一切特此佈 聞
 大英一千八百八十七年四月二十五號
 加刺安巴馬馬厘公司謹啟

印度大藥房告白
 啟者本藥房自去年開張以來多蒙坡中諸君賜顧故現任親自向歐洲督辦頂上真料各種藥材不時換便價 甚相宜無論男女婦老幼病症輕重如要醫治請爲到館示知便即登門看症分別發藥手到回春每日開門自晨早七點鐘至晚十點鐘爲準 諸君有就教者請 移玉至小坡大馬路實得力馬房對面第七十五號門牌詢問便得併此佈 聞
 大英一千八百八十七年八月十八號
 西醫羅實葛謹啟

三寶壟洋面火燭保險公司告白
 保險公司之設愈出愈多競善爭長均無不謂己之公司爲盡善盡美總之各有長處惟其假之 廠者始爲有益於投保諸人茲本行已承三寶壟洋面火燭保險公司之命以爲駐叻代理人以代保一切洋面以及火燭平安保險所有保 無不格外從廉爲自來所未有其二號保險係由叻寄貨往港者照常保費更現扣廿八仙外并增扣廿八仙然則其價之廉較諸別家勝之 其遠倘 諸君有惠顧者請移 玉至本行面議而本行寫字樓係在墊那路頭南生及豐興兩店之中茲並錄明此佈
 大英一千八百八十七年八月十六號
 代理人福蘭洋行謹啟

雜物平沽
 啟者本號常有各色用物出沽貨美而價廉最便 諸君採計有長款地氈每張計二十碼價銀由二角至五角高 下不等以貨之美劣爲別 月眉檯地氈每張價銀由四角至三元亦視貨爲分別 洗馬擦每枝價銀由一角二仙至二角 椰索係由徑一 英寸至八英寸每担價銀由六元下四元半椰棕毛每担價銀五角 以上各貨均係貨美值廉非別家可比 諸君有欲採買者請移 玉至 海山會館隔鄰第一十六號門牌本號看閱便得特此佈 聞
 大英一千八百八十七年七月一號
 西廊人亞里亞嗎里加謹啟

美國峇打妙厘號新欸時鏢出售

啟者本行由歐洲辦到峇打妙厘號之新式奇巧時表來叻發售其鏢之巧妙實不可階約而計之其妙有五蓋其針行甚準無論位之動 靜時之寒暑均無不驗所行晷度累黍無差且閱一月之久而亦不舛分秒之時一利也且其鏢之行不惟甚準而堪令人憑信不致觸目生猜 二利也又其鏢機輪甚佳且殊堅固最堪耐久即便湮代遠亦無廢壞之虞三利也至其鏢製其精不惟適用而且美觀令人見之愛不釋手 四利也矧其價復甚廉較之他表殊爲省費五利也由此五利則誠非尋常可及且買此表者可保其用一年無須修理且一年之後即須修理 亦無庸照其時價若他表須二元始能修理者而此表則不滿僅六角之資即能修復甚且無須六角蓋其機器係爲新創其製造之法甚且請 易於拆脩故也此表在美國係用機器製造計每日可成表二千枚故其料美價廉誠非他家可及而峇打妙厘製有表鍊甚多各欸俱備且 其欸最新其工最巧較諸近來行用者又勝一籌矧其價復甚廉每鍊價銀僅由六角至二元至其表鍊黃者如金白者如銀令人觀之無從辨 其真贗倘諸君有欲購買者請至本坡各洋雜貨店中相問如該貨未備則請至本行面商本行坐落土庫後街匯豐銀行之鄰 諸君惠臨 移 玉趾至於本坡則惟本行代理並無別家並此佈聞 諸惟惠鑒
 大英一千八百八十七年六月十五號
 大清光緒十三年閏四月二十四日
 莫實得洋行謹啟

Charles Heidsieck's
White Seal Champagne
 三品酒出售
 啟者本行督辦歐洲馳名三品洋酒來叻發售其酒係白頭欸式發售有年沽飲 諸君莫 不稱其香美奈近有無恥之徒假冒本庄三品酒欸式以圖魚目混珠殊殊可恨嗣後 諸君沽買本行白頭 三品酒者請細認本號招牌之內有小紙包頭註華字號爲憑也公司者始佳若無此字樣即係偽冒 請爲細認特此佈 聞
 大英一千八百八十五年十月廿九號
 明嗎也公司謹啟

傷病交侵 ○聞人陳某寓居加東地方種椰沽賣為生十六日有客至園中買椰陳因緣樹而升欲為摘取不意一時頭眩心悶猝中暴病遂從樹梢跌下致受重傷加以暴病所侵昏然迷去園中人等倉猝不知救法幸時有海南漁人陳姓道過漁頗知醫且與陳有素見此情景急為施救故獲復甦而後再調治其傷口云按邇來暴病之多若此則寓叻者應有以深為戒慎矣

傷案紀見 ○十三日竹脚地方有一閩人肩荷馬草以賣於人議值將成復有一潮人亦荷馬草貿貿然至見該閩人即抽其鎌刀直前不發一語遂將該閩人所有重傷計二傷在頭一傷在手當時見者大形鼓噪旋經差至將兩人并獲之去因查閩人係為宋姓潮人則梁姓皆刈馬草為生至其仇怨係從何來則猶未悉也

搜茶致命 ○閩省城井北關外為產茶之區其扼要處經官憲分設釐卡派勇巡防異常周密偷漏之輩奸計俱窮更有一種細民希圖小利每在鄉村私收零碎茶葉僱工製造本輕利重無知愚氓又從而效之如此者不知凡幾蕪斗鄉某甲向在各鄉私收茶葉在湖前鄉租屋數椽以為多茶安頓之所旋被茶卡哨丁某乙等偵知前往查緝甲計無所出急以真假票十餘千給之以籍其口乙等得規遂勻分他去詎哨丁某丙等三人盡湖南人所分數千皆係假票意遂忿怒於次日又往緝捕甲早知其必來已移徙他處及丙等入原屋則門庭如故而人跡杳然向人盤問忽有某少年給以甲現遷至隔壁丁家丙等不分皂白胆敢破門強搜時壯丁俱在田耕作家中僅有婦孺丁某之婦即走出喊救鄉人聞之鳴金呼援雲時間眾人應集如山如海丙等見勢不佳持刀亂斫有農夫負勸回某丙以為將不利於已也揮刃直前農夫不及提防為其所中面血流丙乘機奪出重圍鄉人受傷甚多丙晉城稟明總局為先發制人之計嗣該鄉紳耆數十人將二哨勇緝送侯署是夕侯邑李大令訊此案着丁供出收茶之人以憑查辦丁暨某營兵暫交押所未知後如何了結

天津輪船失事餘聞 ○天津輪船失事情形已見前報茲又接廈門信云該船於初五日由汕頭鼓浪出口駛至漳州府漳浦縣所轄銅山營交界洋面沙口鴻嶼地方觸礁沈富時溺斃一人其餘水手搭客一律救起載回汕頭船中所載赤糖為多餘貨載運至廈門刻下該船雖入水中而桅木仍有半截露出水面云

港風詳述 ○香港颶風一事迭據電音登錄茲閱香港循環日報云今歲入秋而後風雨迭報然未有如本月初一日之甚者上月二十九晚本港天文師報稱有大東北風吹至台灣海門地面初不虞其候至港地也乃是晚本港即覺狂飈漸發至初一早潮流驟長淹及海旁繼而風勢漸大至九點鐘天文台燃炮一响警以示風颶將到惟船艇多有不信者故駛避甚緩未幾風愈劇而浪愈洶小艇隨波上下與石礮相觸而壞者不勝枚舉時有油蔴地橫水渡載有婦孺子約四十餘人從對面駛來為風浪所逼不能登岸正在危急之間得差拯救始獲生還并有兩枝桅渡在旗昌洋行對面為風吹沒渡中十二人皆問水濱經布勸乞公司夥伴擲繩救之乃免於難有兩婦駕一三叔泊於海旁被石撞成齏粉兩婦皆水一則經人救回一則溺斃屍身不知去向是日下午九江火船由省抵港據說書城風勢亦大沿河小艇被覆者甚眾及駛至零丁洋遙見漁船一艘為風所覆有四人抱持船底岌岌待救隨用三板拯之回船順載來港是日船艘所傷幾何未能悉數

報館宏開 ○日報之設自泰西繼而上海香港做而行之近則粵垣天津及南洋等處皆有踵行行賈居商不出戶庭而知天下之事誠有便於民生也茲聞佛山鎮有人在平陽里開設報館一所名曰字林日報佈置堂皇指日開辦從此探風紀俗不煩輶軒之車美善刺淫隱乘春秋之筆風俗人心豈無裨益哉

分地游歷 ○兵部主事傅主政雲龍等十二員由總署考取出洋游歷帶領引 見經列前報茲經總署派定傅君雲龍顧君原焜游歷日本泛東洋至三藩塞司戈城登岸至南北亞美利加美利堅秘魯智利巴西等國劉君啟彤偕李君秉瑞游歷印度英國法國及英法兩國西南洋各屬地穆君佑孫偕李君瀛瑞游歷俄國及俄國自西徂東各屬地其餘未詳均定以二年往返班生此行無異登仙哉記前人詩有神風靈霧斷駘驪大地如我觀看三天外有天君到否梅花都不異江南之句可為諸君詠也但游歷之舉係欲諸君周知外洋政教號令風土人情為將來樽俎折衝之選尚其高瞻遠矚觸類旁通務得真詮以洗積習錄時報

俄人畏我 ○各國國政官報云駐紮伊犁邊界之俄官日前奏報俄廷曰現聞 中朝已命大隊兵馬駐紮於喀什噶爾及伊犁兩處以觀動靜查悉其數統共有三萬人之多據聞尚有續到者不在此數華兵到後所有寓居伊犁之回教民皆大驚恐莫知所為云云而駐紮舍皮立亞國及黑龍江兩俄總督亦次第奏聞俄廷云目下中俄邊界之事甚屬棘手且一無與陸之象非造鐵路實無策可使兩國邊界居民得有益是以但願政府早定此議即行開辦且查近來中英兩朝暗訂密約我處亦有所聞故民心因此擾動云云按以上之言諒必有因故俄官暨立暫甫可開元帥奏報俄廷云若欲使邊界之民安居樂業必以大兵制之庶幾我俄民得以稍安云云噫俄人之畏我者忌我也顧伏於隱微而猝起於不及覺非特俄畏我我亦深可畏哉

事屬奇逢 ○女尼阿喜清水濠三明巷之女弟子也年十三四猶未脫髮小家碧玉致嫺然有某生為南邑世家其姑嫁於某姓商住西橫街琴瑟甚敦旋以產難亡其母愛女情深為之營齋建醮特在三明巷燒幽放餼超度亡魂生亦隨往庵中為之燒香禮佛時生年方弱

冠裳馬騶居然獨世佳公子見喜而悅之喜亦待奉殷勤深相款洽迨連事畢生亦同寓惟情難忍置稿斷絲連時有往還以得贈玉容為幸即使桃花人面亦必詢問芳音毋何紅羊劫屆青鳥難通生冠禮已行舉者旋鄉而阿喜之師蒲團寂守疏水雖供其入息祇憑修齋禮而兵燹之餘誰有餘費以供開事時喜年已二八因師貧苦依然雲鬢雙垂儼若青衣之婢媵的者流動師遺其子歸免同填溝壑遂歸休人嫁於某甲甲固龜鶴之流也作為奇貨可居未半月携往澳門運作皮肉生涯喜此時身入樊籠脫身無術欲函報於生而盈盈一水有未償遂守身如玉以死自誓龜鶴無知之何快往陳村通為賊役喜仍不允凌辱頻加有某乙見而憐之以二百金脫其籍而喜仍不能忘情于生也光陰荏苒三十餘年喜因事末嘗寓于某戚家生適隨屬孽偶為過訪喜見之急呼生小字生聞愕然問其姓氏始知其為喜也生現年已五十喜則四十有餘生固髮髮蒼蒼喜亦餘髮半老堪載駁運相逢若夢從容話舊互訴相思回憶少年情事儼如白頭官女聞說玄宗此景此情有令人不堪回首者矣

神京清話 ○兵部行文八旗各營稱所有京師八旗各營官兵以及綠步兩營官兵常操查照嘉慶十年奏准成案各項官兵每歲操演日期自七月十六日起至次年四月十五日止除封印一月外應止操外八個月有零即由各旗營官兵認真操練以副 朝廷整軍經武有備無患至意至於四月十六日起至七月十五日止計三個月有零因天氣酷暑大雨時行暫止操演現交秋令即應照例操演合行知各旗營查照一體開操○陝西巡撫葉冠卿中丞伯英接准戶部咨文現當規復制錢所有例應鼓鑄省分着體察情形酌籌開鑄云云遂與司道籌度擬備寶陝局成案於省垣擇地設局開鑄鑄錢其錢質分兩銅鉛搭配各情參酌今昔情形辦理先行勻漢數萬金以充經費並擬委員前往選上購運洋銅較內地銅價稍輕庶成本不致過重刻已奏請 飭下沿途各省關卡免抽釐稅放行奉 旨着照所請○禮部行文各衙門內開本部具奏七月廿五日 仁宗睿皇帝忌辰照例素服是日不報賽不完願不作樂不宴會不理刑名照常辦事等因奉 硃筆依議欽此欽遵到部相應行知各衙門一體遵照○宣武門內狗尾已胡同王某掘地取土刨出磁甗四口及將封口打開甗內滿貯銀錢王遂陡然饒富立即覓購房屋大加修葺煥然一新謬曰偏地黃金走講待有福人此之謂歟

十五夜觀月偶咏 ○仰見團圓月今宵分外明光涵秋一色清影夜三更甕甕人皆愛蟾輝桂獨益靈空看蕩漾皎潔最多情玉鏡重簾掛銀河匹練橫九宵通麗澤萬里慶澄淸柳杖乘橋化登樓渡海輕廣寒如可近攬轡到蓬瀛 耕月草堂卓然氏學吟

京報選錄 ○日講起居注官翰林院侍講學士奴才宗室會章跪 奏為假期屆滿病勢未痊懇懇 天恩俯准開缺恭摺仰祈 聖鑒事竊奴才前因百日孝滿氣體不支仰荷 聖慈賞假兩月 殊恩渥被感激涕零連即訪藥延醫加緊調治第奴才植稟素薄保衛無力摧毀之餘病蒂滋固現雖屢投扶脾舒肝之劑精神仍復委頓氣力轉覺虛屏自顧難堪恐多貽誤再四籌思惟有仰懇 天恩准予開缺俾奴才息心靜攝早日就痊當泥首 宮門求 賞差使斷不敢稍耽安逸自外 生成所有奴才籲請開缺緣由謹恭摺瀝陳伏乞 皇太后 皇上聖鑒 奏奉 旨已錄

○奴才希元恩澤跪 奏為副都統因病咨請開缺回旗調理據儀代奏仰祈 聖鑒事竊副都統容山本稱竊副都統前於五月初旬染患腹瀉之症力疾辦事望就就痊無如至今月餘腹瀉未愈元氣大虧以致素疾肝鬱上沖兩臂疼痛動轉維艱夜不成寐醫藥無功伏思甯古塔係邊疆重地何敢以病軀戀棧有誤大局惟有咨請代奏仰懇 天恩俯准開缺俾得回旗調理倘病勢痊卸當泥首 宮門求 賞差使萬不敢稍耽安逸有負 生成咨請代奏等情奴才等當派靖遠親軍統領花翎協領恩祥就近前往該城查驗該副都統病症去後旋據呈報副都統容山因患腹瀉之症元氣大虧以致素疾肝鬱上沖兩臂疼痛動轉維艱不能辦公屬實加結呈報前來奴才等覆查甯古塔副都統容山既係患病應自應據情代奏仰懇 天恩俯准開缺回旗調理所遺甯古塔副都統一缺係邊疆重地未便久懸相應請 旨迅賜 簡放以重職守其副都統印務自應先行派員接署查有靖遠親軍統領滿洲正黃旗花翎協領恩祥管轄嚴肅辦事認真堪以委令署理除飭該員遵照外謹恭摺具奏伏乞 皇太后 皇上聖鑒 奏奉 硃批另有旨欽此 ○恭壽片 再杭州駐防洋槍隊一營前奏派正白旗協領長志統帶操操今該統帶長志因病出缺所遺該營統帶一差查有二品頂戴花翎掌司關防洋鎗隊全營翼長爾白旗協領柏梁營伍晴練操法精勤堪以派充統帶之差其遞印營務文案處全營翼長一差查有幫辦翼長花翎記名協領現請坐補正白旗協領柏恒操勤慎管轄嚴明堪以派充翼長之差除飭該員等認真督操外謹附片奏明伏乞 聖鑒 奏奉 硃批知道了欽此 ○恭駿片 再准戶部咨開奉撥來年京餉一摺單一分於光緒十二年十二月初二日具奏奉 上諭戶部奏預撥光緒十三年京餉應照 奏定數月於來年開印後分批起解限五月前解到一半十二月初間全數解清不准截留改撥等因欽此單開光緒十三年分京餉銀江上海市面紋銀仍少本未能委現銀是以循案仍交號商滙兌以歸妥便詳請奏咨等情前來奴才覆查無異除咨起程並飭將未解兩接

未解銀三百六十八兩零錢一千五百六十七千零錢前撫臣衛榮光於清厘舊交代存庫逾限未解案內彙案奏參革追勒限三個月內完繳

○恭駿片 再候補知縣帥遠輝因前在丹陽縣任內徵存

○恭駿片 再候補知縣帥遠輝因前在丹陽縣任內徵存

○恭駿片 再候補知縣帥遠輝因前在丹陽縣任內徵存

○恭駿片 再候補知縣帥遠輝因前在丹陽縣任內徵存

○恭駿片 再候補知縣帥遠輝因前在丹陽縣任內徵存

○恭駿片 再候補知縣帥遠輝因前在丹陽縣任內徵存

○恭駿片 再候補知縣帥遠輝因前在丹陽縣任內徵存

○恭駿片 再候補知縣帥遠輝因前在丹陽縣任內徵存

○恭駿片 再候補知縣帥遠輝因前在丹陽縣任內徵存

旨唐德錄等均着先行革職勒限分別飭將徵存未解銀兩按數完繳倘逾限不完再行從嚴參辦該部知道單併發欽此當經恭錄行司
分別勒追去後茲據蘇州藩司易佩紳詳該革員帥遠輝將欠完存庫銀三百六十八兩零錢一千五百六十七兩零照可庫定價每兩以一千
七百文合銀九百九十二兩零共計銀一千二百九十一兩零先後如數措繳司庫兌收清楚尙知愧奮請將該革員先行奏明開復等情前來
奴才覆查無異相應懇 聖恩部准將候補知縣帥遠輝開復革職處分以資觀感除飭司勒催其餘各員趕緊完繳詳辦外理合附片具陳
伏乞 聖鑒訓示謹 奏奉 硃批帥遠輝著准其開復革職處分餘依議該部知道欽此 ○署理杭州將軍副都統曹善允奏請改派致祭 夏禹王陵一片茲於
恭籌跪 奏為恭維奴才致祭 夏禹王陵帶印出省日期恭摺具奏仰祈 聖鑒事竊奴才前經附片奏請改派致祭 夏禹王陵一片茲於
五月二十六日摺旋奉 硃批另有旨欽此同日承准軍機大臣字寄奉 旨着派杭州副都統恭壽前往致祭欽此旋於六月初二日接准兵
部火票由驛遞到禮部咨行頒發祭文香帛奴才當即敬謹接收定於十六日帶印出省恭齋前項祭文香帛赴紹興擇吉虔詣致祭所有前往
致祭帶印出省日期理合恭摺奏報伏乞 皇太后 皇上聖鑒謹 奏奉 硃批知道了欽此

國家地段出投 ○啟者茲定於本日下午二點鐘在本館內拍賣國家地段甚多其地坐落絲絲街及實甸尼街直落亞逸街等處
諸君合意者請屆期 玉臨投買是荷 大英一千八百八十七年十月四號 巴越館主謹啟

烟土出沽 ○啟者茲本號存有第九帮鴉片烟土一百箱並有第十帮之烟土浮水一百箱茲欲出售於人價甚相宜 諸君有合意
者請即 惠臨購買可也 大清光緒十三年丁亥八月十四日 舊巴風益昌號 劉壬寅 劉傳祿同啟

還金義重 ○初八日余以事至源順街長源號店前坐談不覺有銀紙一百元遺於地上須臾余既出門去此銀紙遂為同寓助報
工伴林媽讀及蔡水二人於無意拾之乃二君檢此多金知係他人所遺先已遍問助報館及長源號諸人均無失資嗣余尋至二君乃慨出
以還余并無少欠余謝以資弗受因深感其高義竊思林蔡二君不溫助報館之工人耳月中所入不過數元之資乃亦見利不貪求諸士君子
亦難多違乃不意竟見之於二君也似此高義世罕逢感激之私無從圖報因錄數語附於報中藉以表揚盛德云
大英一千八百八十七年九月廿六號 小坡吉靈人毛合密實邁謹頌

贈送陰疫藥散 ○近來助陰疫盛行患此症者上吐下瀉或瀉而不吐腹或微痛或不痛初起不過四肢疲倦未幾即遍身發冷自
汗淋漓面青唇其脈或微弱或沉遲甚則轉筋吐沫患此者最危急最急偶失醫治不過時許遂即殞命良足悼也今助地患此症而死者實繁
有徒余惻然憫之乃詳究氣運之陰陽察合病情之表裏嚴搜藥物配製臣用治陰疫凡經服者無不獲痊故特製此贈送於人非敢邀天之
功而延己之譽也實不忍看生靈斯浩劫故為是舉以冀挽回於萬一耳但余一人之力薄所製無多倘好善 諸君欲拯蒼生者不妨來問此方
庶為贈送是亦無量之功德倘 諸君有患此者可到本館限房內領取此散不受分文但須與上所列之症有合而後可服勿亂投也
大清光緒十三年丁亥八月初一日 助報館內葉季允謹識

賞格 ○邇來私烟進口者頗多故販私日盛本坡鴉片碼官虧折不淺茲與碼官深信載私進口一事實屬旅居石叻之殷富華人
之而用人代行故特出此賞格凡人除販私者之外如能通信作線將該私販人等拿獲俾得明正其罪者即謝花紅銀五千大員至該線人
碼官自當協同極力保護之再此花紅銀五千大員乃經稟准 三州府總巡捕大人而出者 諸君幸勿見疑
大英一千八百八十七年二月式號 光緒拾三年正月三拾日 鴉片公司與碼官啟

勝汪錫礦有限公司招股告白

啟者本公司之開股專在勝汪等處開採錫礦為業計集老本銀一十二萬五千元分作六千二百五十股每股老本銀一十元實而認股之
如對股份每份先交壓股銀二元派定股份之後每股再交銀四元嗣至西本年十二月一號再交銀二元明年二月一號再交銀二元計共十
元所餘十元則至本公司需用之時一月預為通知然後集取但每次收取每股不過二元半為止不致多取也茲本公司已舉定董事諸君
為 狀師黎奕申 不巴簡來那洋行東主蘇士 賈略洋行東主淡申 牙直星洋行東主牙刺士 李君慶鏞 葉君觀勝等及 管理
項出入人馬堅代即有利銀行 代理狀師列士黎奕申 查核數目人下力山打而音蘇顏 駐助代理人賈略洋行倘 諸君有欲認股者
須於西本年十月一號禮拜六日上午十時以前將股份票投交本公司以憑酌奪至於壓股之銀可交有利銀行代貯所有對股格式紙以及
之章程小引可向列士黎奕申狀師或代理人賈略洋行取閱便得至本公司寫字樓現設在土庫後第五號門牌 諸君為教希
大英一千八百八十七年八月廿七號 勝汪錫礦有限公司謹啟

